

摘藻堂四庫全書薈要

史部

欽定四庫全書叢要

史部

御批歷代通鑑輯覽卷四十七

詳校官助教臣謝登雋

欽定四庫全書薈要卷七千五百

御批歷代通鑑輯覽卷四十七

隋 起文帝開皇元年辛丑至恭帝侗皇泰二年己卯凡四帝三世共三十九年



文皇帝

姓楊氏名堅

小名那羅延

弘農華陰人漢太尉震之後

震九

世孫元壽為後魏武川鎮司馬因家焉

父忠

元壽之元孫

仕魏及周以功封

隋國公

事具前

母呂氏

生帝于馮翊般若寺有尼采自河東將帝舍于別館躬自撫養

母嘗抱帝忽見頭上出角遍體鱗起大駭墜帝于地尼自外見曰已驚我兒致令晚得天下

周天

隋文以其得國不再傳而失之適足比諸蟲呂驅除非真能

應運順時者也  
鱗角奇徵殆踵  
伐獲政智莫家  
撫以傳信應其

和中襲爵隋公及靜帝立以太后父秉政自進為王  
遂移周祚滅梁并陳而一天下

己酉開皇九年春正月總管賀若弼韓擒虎進軍滅陳獲

其主叔寶

陳自高祖至後主七  
凡五主合三十三年

正月朔陳主會朝大霧四塞是日賀若弼自廣陵引  
兵濟江陳人不覺韓擒虎將五百人自橫江宵濟采  
石守者皆醉遂克之采石戍主馳啓告變乃內外戒  
嚴以蕭摩訶樊毅魯廣達並為都督施文慶為大監

軍遣樊猛帥舟師入白下

即白石城  
注見前

已而賀若弼拔

京口以敕書分道宣諭所至風靡韓擒虎進攻姑孰  
半日拔之于是弼自北道擒虎自南道並進緣江諸

戍望風盡走弼進據鍾山

即蔣山  
注見前

晉王廣使總管杜

彥

雲中  
人

與韓擒虎合軍屯于新林陳人大駭降者相

繼時建康甲士尚餘十萬人陳主唯晝夜啼泣臺內  
處分一以委施文慶蕭摩訶以弼懸軍深入壘塹未  
堅請出兵掩襲不許任忠自吳興入援言宜固守臺

城緣淮立柵勿與交戰請給精兵一萬徑掩六合揚  
聲欲往徐州斷彼歸路則諸軍不擊自去陳主又不  
能從明日歎然曰兵久不決令人腹煩可呼蕭郎一  
出擊之任忠叩頭苦請勿戰孔範奏曰請作一決當  
為官勒石燕然陳主從之使魯廣達陳于白土岡

在上

元縣東即  
鍾山南麓

任忠樊毅孔範蕭摩訶諸軍以次而北亘

二十里首尾進退不相知賀若弼登山望之馳下勒  
陳以待蕭摩訶初無戰意魯廣達以其徒力戰與弼

相當弼更引兵趣孔範範兵暫交即走諸軍亂潰不可復止擒蕭摩訶釋而禮之任忠馳見陳主言敗狀曰官好住臣無所用力矣陳主令出募人更戰會韓擒虎自新林進軍至石子岡

在江寧縣南亦曰長陵

忠遂迎降

引擒虎軍趣宮城自南掖門入陳文武百司皆散走唯僕射袁憲在殿中陳主惶遽將避匿憲正色曰大事如此欲去安之不若正衣冠御正殿依梁武帝見侯景故事陳主不從曰吾自有計乃從宮人十餘出

景陽殿自投于井

即景陽井在政臺城內一名胭脂井又名辱井

既而軍人

窺井欲下石乃聞叫聲以繩引之驚其太重及出乃

與張貴妃孔貴嬪同束而上

沈后居處如常太子深年十五閉閣而坐舍人

孔伯魚侍側軍士叩閣而入深安坐勞之軍士咸致敬焉

賀若弼乘勝至樂遊苑

在上元縣東北

魯廣達猶督餘兵苦戰不息會日暮乃解甲

面臺再拜慟哭遂就擒

入隋後未幾得疾不療而卒

弼夜燒北掖

門入聞擒虎已得叔寶恥功在擒虎後與之相詢挺

刃而出欲令叔寶作降箋歸已不果越二日晉王廣



入建康以施文慶沈客卿及楊惠朗徐哲暨慧景五

人皆為民害斬之以謝三吳使高頴與記室裴矩字弘

大聞喜之收圖籍封府庫資財一無所取聞者賢之廣以

賀若弼違令先期收以屬吏帝驛召之且詔廣曰平

定江表弼與擒虎之力也賜物萬段別詔褒美廣之至建

康也高頴先入廣使人馳告之命留張震華頴曰昔

太公蒙面以斬妲己此豈可留也斬之廣聞之變色

曰昔人云無德不報吾必有以報高公矣由是恨頴

以許善心字務本高陽北新城人為散騎常侍

陳謀衆人國士之言已為後世

易節鮑頌者所  
藉口善心既傷  
宗國淪亡汲汲  
改服受爵何為  
者

先是陳使許善心入聘帝留之遂伐陳至是帝使以  
陳亡告善心善心哀服號哭于西階之下藉草東向  
坐三日敕書唁焉明日就館拜散騎常侍善心哭盡  
哀改服垂泣再拜受詔又明日乃朝伏泣于殿下悲  
不能興上顧左右曰我平陳國惟獲此人既能懷其  
舊君即我之誠臣也

陳水軍都督周羅暉降

初羅暉守江夏秦王俊不得進相持逾月陳南康內

史呂忠肅據巫峽鑿巖緹鐵鎖橫截上流以遏隋船  
竭其私財以充軍用楊素擊之四十餘戰忠肅守險  
力爭隋兵死者五千餘人既而隋師屢捷忠肅棄柵  
而遁復據荆門之延洲素大破之于是巴陵以東無  
復城守者及建康平諸城皆解甲羅暉乃與諸將大  
臨三日放兵散然後詣俊降上江皆平王世積

闡熙人

在蘄口

蘄水入江之  
在蘄州西

移書告諭江州豫章諸郡皆降

是月將軍宇文述拔兖州擒刺史蕭瑛東揚州刺史  
蕭巖以會稽降皆送長安斬之宇文述字伯通盛之子

副師黨正之法  
本與封建井田  
相表裡世殊代  
異古法之大者  
尚不可行况欲  
規仿其末跡乎  
鄉官判事與州  
郡中正一轍其  
為與壞非獨割  
斷不平而已仕  
宦迴避本藉亦  
奪不得不然初  
非古今人不相  
文也

二月置鄉正里長

蘇威奏請五百家置鄉正使治民間辭訟李德林以  
為本廢鄉官判事為其里閭親識剖斷不平今令鄉  
正治民為害最甚上竟用威議乃以百家為里置里

長一人

里長之名始此

陳湘州刺史陳叔慎

字子敬高宗第十六子

起兵長沙敗死

楊素之下荆門也遣別將龐暉略地南至湘州城中  
將士刻日請降刺史岳陽王叔慎年十八置酒會僚

吏酒酣歎曰君臣之義盡于此乎長史謝基伏而流

涕助防遂興侯正理

陳宗室

起曰主辱臣死諸君獨非

陳國之臣乎今天下有難實致命之秋也縱其無成

猶見臣節青門之外有死不能今日之機不可猶豫

後應者斬衆咸許諾乃刑牲結盟遣人詐奉降書于

龐暉暉入叔慎伏甲執之以徇并其衆皆斬之叔慎

坐于射堂招合士衆數日之中得五千人衛陽太守

樊通武川

梁置隋改朗州今湖南常德府是

刺史鄔居業

鄔氏晉鄔大夫之後

為以邑皆往助之隋刺史薛胄字紹元汾陰人將兵適至擊之

叔慎遣陳正理樊通拒戰兵敗胄乘勝入城擒叔慎

居業送秦王俊斬之

陳馮魂以嶺南降陳地悉平

嶺南未有所附數郡共奉高涼郡太夫人洗氏為主

詔遣柱國韋洸字世穆曼之子等安撫嶺外陳豫章太守徐

璚據南康拒之洸等不得進晉王廣遣陳叔寶遺夫

人書諭以國亡使之歸隋夫人集首領數千人盡日

慟哭遣其孫馮魂帥衆迎洸洸擊斬徐澄嶺南皆定

表魂為儀同三司卍洸洸為宗康郡

宗置故城在今廣東肇慶府陽

江夫人衡州司馬任瓌

字璋忠之弟子

勸都督王勇據嶺南

求陳氏子孫立以為帝勇不能用以所部來降瓌棄

官去于是陳國皆平

得州三十郡一百縣四百詔夷建康城邑宮室更以石頭城置

蔣州

夏四月晉王廣班師俘陳叔寶至京師獻于太廟論功

行賞有差

帝坐廣陽門觀引陳叔寶于前使納言宣詔勞之內  
史令宣詔責以羣臣不能相輔乃至滅亡叔寶及其  
羣臣並愧懼伏地屏息不能對既而宥之

帝給賜叔寶甚厚叔

寶願得一官號帝曰叔寶全無心肝既而以陳氏子弟多恐其在京城為非乃分置邊州給田業使為生歲時賜衣服以安全之進揚素爵為越公賀若弼宋公弼與韓

擒虎爭功于帝前弼曰臣在蔣山死戰破其銳卒擒其驍將震揚威武遂平陳國擒虎曰臣以輕騎五百直取金陵執陳叔寶弼夕方至臣啟闕納之安得與臣



比帝曰二將俱為上勲于是進擒虎上柱國

有司勳  
擒虎士

卒淫汙陳宮坐  
此不加封邑

高頴爵齊公從容命頴與弼論平陳

事頴曰弼苦戰破賊臣文吏耳焉敢與之論功帝大

笑嘉其有讓

弼撰其所畫策上之謂之御投平陳七  
策帝不首曰我不求名公宜自載家傳

龐見等短高頴帝怒皆黜之親禮逾密因謂頴曰公  
猶鏡也每被磨瑩皎然益明龐見字元顯榆林人

投陳孔範等于邊裔

先是晉王廣戮陳五佞

施文  
慶等

未知孔範王瑳王儀

俱

邪沈攸

武康  
人

之罪故免至是始暴其惡投之邊裔以

# 謝吳越

以陳江總袁憲等為開府儀同三司

以江總袁憲蕭摩訶任忠為開府儀同三司帝嘉袁

憲雅操下詔以為江表稱首

帝謂羣臣曰平陳之初我悔不殺任蠻奴受人

榮祿兼當重寄不能橫屍殉國乃云無所用力與弘演納肝何其遠也見周羅暎慰諭之許以富貴羅暎泣對曰臣荷陳氏厚過本朝淪亡無節可紀得免于死陛下之賜也何富貴之敢望初陳散騎常侍韋鼎聘于周遇帝而異之謂曰公當大貴貴則天下一家歲一周天老夫當委賈于公矣及歸盡膏田宅或問其故禹曰江東王氣盡于此矣至是召為工儀同三司任蠻奴忠小字弘演納肝衛懿公為狄所殺盡

食其田而舍其肝弘演使還自出其肝而納公之肝焉韋鼎字超盛獻之孫

### 詔除毀兵仗

詔曰今率土大同含生遂性禁衛之餘鎮守之外戎旅軍器皆宜停罷武力之子俱可學經民間甲仗悉皆除毀

### 秋七月羣臣請封禪不許

八月以左衛大將軍廣平王雄

初名惠帝族子後改封觀王

為司空

綱目作以王雄為司空今依隋書及通鑑改

雄貴寵特盛與高頴盧慶則蘇威稱為四貴雄寬容  
下士朝野傾屬帝陰忌之以為司空實奪之權雄乃杜  
門不通賓客

冬十二月詔定雅樂

帝踐祚之初柱國鄭譯請修正雅樂詔太常卿牛弘  
國子祭酒辛彥之博士何妥等議之積年不決譯言

古樂十二律旋相為宮

一律之中自備五  
音皆以宮聲為首

各用七聲

宮商角徵羽  
變宮變徵

世莫能通譯因龜茲人蘇祇婆善琵琶

始得其法推演為十二均

七音之外又有五均共成十二律

八十四

調

每律七音音立一調共成此數

以校太樂所奏例皆垂越又于七

音之外更立一聲謂之應聲

編懸鐘磬例皆有八七音用七更立其一故以

為應聲

與邠公世子蘇夔議累黍定律

一千二百黍時為黃鍾之律

人以音律久無通者非譯夔一朝可定帝素不悅學而牛弘不精音律何安自恥不達常欲沮壞其事乃立議非之或欲令各造樂而擇其善者安又恐樂成善惡易見乃請張樂試之先白帝云黃鍾象人君之

十二律旋相為宮乃鍾呂自然之理未聞專用一宮可以備大

成者何安本不  
精樂律祇思沮  
抑譚愛希旨巧  
合以飾其短然  
隋文躬為修述  
亟亟正雅樂不  
亦誣世且自誣  
乎

德及奏黃鍾之調帝曰滔滔和雅與我心會安因奏

止用黃鍾一宮不假餘律上悅及平陳獲宗齊樂器

工人上廷奏之歎曰此華夏正聲也乃調五音為五

夏

韶夏皇夏誠  
夏常夏肆夏

二舞

文舞  
武舞

登歌

升歌  
堂上

房內

帝自作地  
厚天高二

曲等十四調賓祭用之太常置清商署以掌之至是

牛弘又奏中國舊音多在江左今得梁陳舊樂請加

修緝以備雅樂其後魏後周之樂雜有邊裔之聲請

悉停之乃詔弘與許善心姚察

字伯審吳  
興武康人

及虞世基

轉移薄俗不實  
以是圖而益獨  
聽廊與病民雜  
庭判吏尚可為  
乎其去患不知  
政者又不知霄  
壤幾何腐儒  
無識豈為盛事  
與捫齋扣梁何  
異

字茂世  
荔之子 參定

以辛公義

隴西狄道人

為岷州

西魏置今屬鞏昌府

刺史

岷俗畏疫一人病闔家避之病者多死公義命皆與  
置廳事暑月廳廊皆滿公義設榻晝夜處其間以秩  
祿具醫藥身自省問病者既愈乃召其親戚諭之曰  
死生有命豈能相染若相染者吾死久矣皆慙謝而  
去其後人有病者爭就使君其家親戚固留養之始

相慈愛風俗遂變

後公義遷并州刺史下車先至獄中露坐驗問十餘日間決遣咸盡

還領新訟事皆立決有須禁者公義即宿廳事終不  
還問或諫曰公事有程何自苦公義曰刺州無德不  
能使民無訟豈可禁人在獄而安寢于家乎罪人聞  
之咸自款服後有訟者鄉閭父老遽曉之曰此小事  
何忍勤勞使君訟  
者多兩讓而止

庚戌 十月春二月以李德林為湖州刺史

德林恃才好勝同列疾之由是以佐命元功十年不

從級數與蘇威異議高穎常助威工多從威議

初帝賜德

林莊店使自擇之德林請高阿那肱店人訴本高  
氏疆奪民田所為威因奏德林誣罔自入工由是惡  
之德林又稱父為太尉詰議以取贈官侍即陳茂言  
德林父實終于校書工並銜之 陳茂河東猗氏人



虞慶則等奉使關東還奏鄉正專理詞訟黨與愛憎  
公行貨賄帝令廢之德林曰茲事臣本以為不可然  
始置即停朝成暮毀非帝王設法之義自今羣臣于  
律令輒欲改張願陛下即以軍法從事不然紛紜不  
已帝怒大詔曰爾欲以我為王莽邪而數其罪出為

湖州刺史

已而德林轉懷州病死 懷州隋  
以河南即置今河南懷慶府是

殺楚州

隋以山陽郡為楚州  
今江南淮安府是

參軍李君才于殿內

帝性猜忌不悅學既任智以獲大位因以文法自矜

明察臨下恒令左右覘視內外有過失則加以重罪

又患令史贓汙私使人以錢帛遺之得犯立斬每殿

廷捶人揮楚不甚即命斬之高頰柳或等諫不納頰

等乃盡詣朝堂請罪帝不懌乃令殿內去杖後李君

才言帝寵高頰過甚帝怒命杖之而殿內無杖遂以

馬鞭捶殺之因復置杖未幾怒甚又于殿廷殺人兵

部侍郎馮基固諫不從尋悔宣慰基而怒羣臣之不

諫者

夏五月詔軍人悉屬州縣

詔曰魏末喪亂軍人權置坊府

元魏之末兵制有六坊北齊為六府

南

征北伐居處無定今可悉屬州縣其墾田籍帳一與

民同軍府統領宜依舊式仍罷緣邊新置軍府

六月制民年五十免役收庸

不役其身取其庸即丁法至六十并除其庸

冬十一月江南亂以楊素為行軍總管討平之

江表自東晉以來刑法疏緩平陳之後盡反其政蘇

威復作五教使民誦之士民嗟怨民間復訛言隋欲

以新定之民當  
靜鎮為要徒取  
祈于五教之誦  
死不能化俗適

足滿擾當時文  
天之高害若此

從之入關遠近驚駭于是越州

隋以會稽郡置今浙江紹興府是

高

智慧蘇州

隋以吳郡置今為府屬江南

沈元愴皆舉兵反自稱天

子攻陷州縣陳之故境大抵皆反執縣令殺之曰更

能使儂誦五教邪詔遣楊素討之

素將濟江使麥鐵杖戴東薰夜浮渡

江現賊還而復往為賊所擒遣兵三十人防之鐵杖取賊刀亂斬防者盡殺之而歸素大奇之奏授儀同

三司 麥鐵杖

素帥舟師自揚子津

今日揚子橋在揚州府江都縣

南入擊賊元愴敗走追擒之智慧據浙江東岸為營

周亘百餘里船艦被江子總管

禪將猶言小總管也來護兒

來氏

商支孫食采于邗因以為氏以輕舸數百直登江岸  
後去邑護兒字崇善江都人

襲破其營因縱火烟焰漲天素縱兵奮擊大破之智

慧逃入海走保閩越

素遣總管史萬歲帥衆二千踰嶺越海攻破溪洞不可勝數前

後七百餘戰轉鬪千餘里寂無聲問者十旬遠近皆  
謂已沒萬歲置書竹筒中浮之于海得者以告素上

其事上嗟歎厚賜其家

史萬歲京兆杜陵人

素追智慧泛海奄至泉州

唐置

今為府屬福建此云泉  
州者史臣追叙之詞

賊衆皆散素分兵追捕賊黨

執送智慧斬之江南遂定

番禺

隋分南海置今縣與南海俱為廣州府治

夷反遣給事郎

隋官階正八品上

裴

四十七  
矩討平之以馮盎為高州刺史洗氏為譙國夫人

番禺夷王仲宣反嶺南首領多應之引兵圍廣州韋  
況中流矢死詔以其副慕容三藏檢校軍事又詔裴  
矩巡撫嶺南矩至南康得兵數千人擊斬仲宣別將  
進至南海高涼洗夫人遣其孫盎會三藏等合擊仲  
宣仲宣衆潰洗氏親被甲乘介馬張錦繖引數騎衛  
從裴矩巡撫二十餘州蒼梧首領陳坦等皆來謁見  
矩承制署為刺史縣令使還統其部落嶺表定上以

矩為民部侍郎拜益高州刺史贈馮寶譙國公冊洗

氏為譙國夫人開幕府置官屬給印章聽便宜行事

先是夫人遣其孫馮暄將兵攻廣州逗留不進夫人大怒遣使執暄繫州獄及賊平詔赦暄罪拜刺史

辛十一年春二月以劉曠為莒州

後周置治東莞今沂州府沂水縣是今莒

州金大  
定中置 刺史

平鄉

魏置今屬順德府

令劉曠有異政以義理曉諭訟者皆

引咎而去獄中草滿庭可張羅高頴薦之故有是命

辛巳晦日食

秋八月殺滕王瓚

字恒生  
帝母弟

初帝微時與瓚不協帝為周相瓚恐為家禍陰欲圖  
帝其妃周高祖妹順陽公主也亦與獨孤后不平帝  
命出之瓚不可至是從幸栗園

在長  
安南

遇鴆暴死

壬十二年秋七月蘇威以開府就第尚書盧愷

字長仁  
柔之子

除名

何妥與蘇威爭議事積不相能威子夔與妥議樂復  
不同議者以威故同夔者什八九妥恚曰吾席間函



文四十餘年反為昨暮兒

言夔生之晚

所屈邪遂奏威與

盧愷薛道衡王弘李同和等共為朋黨帝大怒咸免

官爵以開府就第盧愷除名知名之士得罪者百餘

人

自周以來邈無清濁及愷攝吏部與薛道衡等甄別士流故涉朋黨之謗以至得罪未幾工曰蘇威

德行者但為人所誣耳命復通籍威好立條章每歲責民間五品不遑答者或云管內無五品之家其不相應頌類如此又為餘糧簿欲使有無相贖民部侍郎即茂以為頌迂不急奏皆罷之茂嘗為衛國令百民張元預兄弟不睦丞尉請加嚴刑茂曰元預兄弟本相憎疾又坐得罪彌益其忿非化民之意也乃條諭之以義元預等各感悔頓首請罪遂相親睦

即茂字蔚之恒山新市人

壬申晦日食

八月制諸州死刑悉移大理奏裁

帝以天下用律者多踳駁罪同論異故有是命

冬十二月以楊素為僕射與高颯等掌朝政領軍大將軍賀若弼除名

楊素性踈辨高下在心唯頗推高颯敬牛弘厚接薛道衡視蘇威以下蔑如也其才藝風調優于颯至于推誠體國處物平常則不如頴遠矣賀若弼自謂功

名出朝臣之右當為宰相及素為僕射不平形于言色  
由是免官怨望愈甚久之上下弼獄謂之曰我以高  
頴楊素為宰相汝每昌言毀之何也弼曰頴是臣之  
故人素臣之舅子臣知其為人誠有此語公卿奏弼  
罪當死上曰臣下守法不移公可自求活理弼曰臣  
將八千兵擒陳叔寶竊以此望活上曰此已格外重  
賞弼曰臣今還格外望活上低回者數日特令除名  
歲餘復其爵位

詔免河北河東功

受田田計畝為功以其所出修器械備糶糧

調

了出調注見前減

田租

有司言府藏皆滿無所容積于廊廡于是更辟左藏院以受之工乃詔曰寧積于人無藏府庫河北河東今年田租三分減一兵減半功調全免

遣使均田

時天下戶口歲增京輔及三河

河東河南河北

地少而人衆

衣食不給帝乃發使四出均天下之田其狹鄉每丁

古制不能復于後世亦其勢使然仲舒限田之說且難見諸施

行况謂孝踵凋  
歟之後乎因地  
尸人衆思以均  
出裕衣食貧者  
不闕而富者先  
困適足以病民  
耳且古者八口  
稅田百畝而濟  
民每丁所得總  
五之一體窮不  
賒尚何望於給  
人足之有

纔至二十畝老少又少焉

癸丑

十三年春二月作仁壽宮

故址在今鳳翔府麟遊縣西天台山

詔楊素營仁壽宮于岐州之北素奏宇文愷封德彝

名倫以字行  
隆之子

為土木監于是夷山堙谷以立宮殿崇

臺累榭宛轉相屬役使嚴急丁夫多死推填坑谷覆

以土石因而築為平地死者以萬數

十五年二月宮成帝幸之見制

度壯麗大怒曰楊素為吾結怨天下素聞之恐獲譴  
封德彝曰公勿憂俟皇后至必有恩詔明日帝果召  
素入對后勞之曰公知吾夫婦无無以自娛盛飾此  
宮豈非忠孝賜賚甚厚素薦德彝于帝遂遷內史舍人

禁藏讖緯

秋七月戊辰晦日食

詔議明堂制度

帝命禮部尚書牛弘等議明堂制度宇文愷獻木樣

重唐複道  
五房四連

帝命有司度地立之諸儒議久不決乃罷

突厥突利可汗

莫何汗  
汗之子

請婚許之

帝之滅陳也以陳叔寶屏風賜突厥大義公主公主  
以其宗國之覆心常不平書屏風為詩叙陳亡以自

寄

詩有舍本皇家女飄流入唐廷  
一朝魏成敗懷抱忽縱橫之句

帝聞而惡之禮賜

漸薄公主遂扇惑都藍可汗

先是突厥莫何可汗死  
兄子雍虞立是為都藍

可汗頗為邊患帝遣將軍長孫晟使突厥因發公主私

事廢之內史侍郎裴矩請說都藍使殺公主時處羅

侯

即莫何  
可汗

之子染干號突利可汗居北方遣使求婚

帝使矩謂之曰能殺大義公主乃許婚突利遂譖公

主于都藍都藍因發怒殺公主更表請婚朝議將許

之長孫晟曰雍虞閭反覆無信直以與玷厥

即達頭  
可汗

有隙故欲依倚國家雖與為婚終當叛去今若尚主  
承藉威靈玷厥染干必受其徵發疆而更反後恐難  
圖且染干者處羅侯之子素有誠款前嘗乞婚不如  
許之招令南徙兵少力弱易以撫馴使敵雍虞閭以  
為邊扞上曰善復遣晟慰諭染干許尚公主

十七年七月突

利求逆女帝舍之太常教習六禮妻以宗女安義公  
主帝欲離間都監故特厚其禮令長孫晟說之使帥  
衆南徙居度斤舊鎮 度斤  
即却斤山舊沙鉢畧所居

甲寅 十四年夏四月行新樂



協律郎祖孝孫

范陽人

從陳陽山

梁郡今廣東連州是

太守毛爽

受京房律法牛弘使孝孫參定雅樂布管飛灰順月

皆驗又每律生五音十二律為六十音因而六之為

三百六十音分直一歲之日以配七音而旋相為宮

之法由是著明弘等乃奏請復用旋宮法帝猶記何

安之言不聽于是弘等復附帝意銷毀前代金石以

息異議又作武舞以象功德至是樂成詔行之乃禁

民間所造繁聲

先是樂工萬寶常妙連鍾律帝令造諸樂器其聲雅淡不為時人所好竟

寢不行及是新樂成寶常聞之泣然泣曰淫厲而哀  
天下不久盡矣寶常竟餓死且死悉取其書燒之曰  
用此  
何為

六月始給公卿以下職田

先是臺省府寺及諸州皆置公廨錢收息取給工部

尚書蘇孝慈

扶風人

以為官司出舉與生

謂出錢舉貸與利生息

煩擾百姓敗損風俗請皆禁止給地以營農于是始  
詔公卿以下皆給職田毋得治生與民爭利

關中旱饑秋八月帝如洛陽

莽荒無奇唯  
周官散利薄位  
之意實乃措施  
庶不致轉從濕  
輕耳周文乃使  
關中就食洛陽  
與梁惠移民河  
東無異至扶助  
負擔直是秉燠  
濟人好行小惠  
何足稱哉

上遣左右視民食得豆屑雜糠以獻上流涕以示羣  
臣深自咎責為之不御酒食殆將一期八月帥民就  
食于洛陽敕斥候不得驅迫男女參廁于仗衛之間  
遇扶老攜幼者輒引馬避之至艱險處見負擔者令  
左右扶助

冬閏十月詔高仁英

齊武成帝第六子

蕭琮陳叔寶修其宗祀

官給器物

詔以齊梁陳宗祀廢絕命高仁英蕭琮陳叔寶以時

修祭所須器物有司給之

叔寶常侍宴賦詩曰日月  
光天德山河壯帝居太平

無以報願上東封書及出帝目之曰此敗豈不由酒  
以作詩之功何如思安時事當賀若弼度京口彼人  
密啟告急叔寶飲酒遂不之省高類至  
日見啟在牀下猶未開封誠可笑也

劉氏友並曰歷叙三族而不及宇文氏  
非以盡滅其族乎綱目言外之意深矣

齊州刺史盧賁有罪除名

賁坐民饑閉糶除名皇太子為言賁有佐命功不可  
棄帝曰微劉昉鄭譯盧賁柳裘皇甫績等則我不至  
此然此等皆反覆子也當周宣帝時以無賴得幸及

帝大漸此輩行詐顧命于我我將為政又欲亂之

防謀

為逆譯  
為巫蠱

自為難信非我棄之衆人見此謂我薄于功

臣斯不然矣賁遂廢死于家

乙卯十五年春正月帝東巡祀天于泰山

以歲旱謝愆咎也禮如南郊

三月還宮

夏六月鑿底柱

注見前

焚相州所貢綾文布于朝堂

秋七月納言蘇威免

威以十四年七月為納言

尋復其位

威坐從祠不敬免俄而復位帝謂羣臣曰世人言蘇  
威詐清家累金玉此妄言也然其性狠戾不切世要  
求名太甚從己則說違之必怒此其大病耳

冬十月以韋世康光兄之為荊州總管

世康和靜謙恕為吏部尚書十餘年時稱廉平常有  
止足之志謂子弟曰祿豈須多防滿則退年不待暮  
有疾便辭因懇乞骸骨不許使鎮荊州時天下惟有  
四總管并揚益荆以晉秦蜀三王及世康為之

丙十六年夏六月初制工商不得仕進

秋八月詔死罪三奏然後行刑

丁十七年春二月遣太平公史萬歲討南寧蠻

南寧本漢建寧

郡晉改寧州梁以後曰南寧今雲南曲靖府是蠻通

平

蠻作羌胡三省曰南寧蠻蠻非羌也今依其說改

初梁睿平王謙夷獠皆附唯南寧州酋帥爨震

爨夷姓東

爨曰烏蠻西蠻曰白蠻

不服睿上疏乞因平蜀之衆畧定之帝

未之許至是乃以史萬歲為行軍總管帥衆擊之入

自靖蛉川

在今姚安府姚州南漢書地理志越嵩郡青蛉應劭曰有青蛉水在西東入江即此

過諸葛亮紀功碑

背有銘曰萬歲之後勝戎者過此萬歲令仆其碑而進

度西

洱河

即葉榆水注見前

入渠濫川

在大理府境

行千餘里破其三

十餘部虜獲男女二萬餘口諸夷大懼遣使請降獻

明珠徑寸于是勒石頌隋德萬歲請將其酋長爨

入朝翫賂萬歲萬歲捨之

已而爨翫復反蜀王秀奏萬歲受賂縱賊致生邊患

萬歲于

是除名

桂州

梁置今廣西桂林府是

亂遣軍討平之以令狐熙

字長熙為



總管

桂州俚帥李光仕作亂遣周法尚討斬之上以夷越  
數反以令孤熙為桂州總管許以便宜從事承制補  
授熙至部大弘恩信其溪洞渠帥更相謂曰前時總  
管皆以兵威相脇今者乃以手教相諭我輩其可違  
乎于是相帥歸附先是州縣生梗長吏多寄治于總  
管府熙悉遣之為建城邑開學校華夷感化焉

三月詔諸司論屬官罪聽律外決杖

帝以所在屬官不敬憚其工事難克舉故有是詔于是上下相驅迭行捶楚以殘暴為幹能守法為懦弱又以盜賊繁多命盜一錢以上皆棄市或三人共盜一瓜事發即死于是行旅皆晏起早宿天下慄慄有數人劫執事而謂之曰吾豈求財者邪但為枉人來耳而為我秦至尊自古立法未有盜一錢而死也不以聞吾更來而屬無類矣帝聞乃為停之

帝晚節用法益峻

不復依準科律嘗怒欲以六月杖殺人大理少卿趙綽因爭帝曰六月雖曰生長此時必有雷霆我

盜一錢一瓜皆抵死而行旅之戍心如此故是法固不足以遏奸

徒見其濫刑耳  
趙綽彼時未聞  
一言匡弼而於  
來曠辛置之死  
噫嗚爭執其意  
不過市恩沽直  
非真能賢欽恤  
而底明允者也

則天而行有何不可遂赦之掌固來曠告綽濫免徒  
囚推驗而實帝怒命斬之綽又囚爭帝拂衣入閤綽  
託奏他事復入再拜曰臣有死罪三不能取掌固使  
觸天刑一也囚不合死不能死爭二也本無他事安  
言求入三也帝意解會獨孤后在坐命賜綽酒及二  
金盃曠因免死蕭摩訶子世畧在江南作亂摩訶當  
從坐綽固諫上命綽追綽曰臣奏獄未決不敢逼帝  
乃釋之刑部侍郎辛亶常衣緋禪帝以為厭蓋斬之  
綽曰寧不當死臣不敢奉詔帝怒甚命引綽斬之綽  
曰寧殺臣不可殺亶至朝堂解衣就刑上復使人問  
之對曰執法一心不敢惜死帝乃釋之帝以綽誠直  
前後賞賜萬計與大理卿薛冑俱名平恕然冑原情  
而綽守法毋為稱職趙綽字元方  
河東人掌固官名臺省寺監皆有之

## 夏四月頒新歷

初張賓歷既行劉孝孫

廣平人

及劉綽

字士元信都昌亭人

並言

其失賓方有寵劉暉附之斥罷孝孫等後賓卒孝孫復上其事詔直太史累年不調乃抱其書使弟子與

櫬詣闕下伏哭執法拘而奏之帝以問何晏晏言其

善使與張胄元

渤海蓆人

校賓歷久之不定上令參問日

食事楊素等奏太史奏日食二十有五皆無驗而胄

所刻妙中孝孫驗亦過半于是上引孝孫胄元等親

勞之孝孫請先斬劉暉乃可定歷帝不懌又罷之

孝孫

尋已而楊素牛弘等復薦胄元歷術帝令素與術數  
人立議六十一事皆舊法久難通者令劉暉與胄元  
辨析暉一無所答胄元通者五十四拜太史令令參  
定新術至是歷成頒之暉等除名

并州總管秦王俊有罪免

俊幼仁恕喜佛教及為并州總管奢侈好內其妃進

毒妃崔氏弘度女性妬因  
俊好內于瓜中進毒得疾徵還免官廢妃賜死

楊素諫曰秦王之過不至此願陛下詳之帝曰若如

公意何不別制天子免律周公尚誅管蔡况我不及

周公安敢虧法卒不許

父之俊疾不能起遣使奉表陳謝帝謂其使者曰我戮力

創業作訓垂範汝為吾子而欲敗之不知何以責汝俊慚怖疾益篤遂卒帝哭之數聲而已俊子浩崔妃所生庶子曰湛羣臣希旨奏二子母皆有罪不合承嗣帝從之國遂除

冬十二月殺魯公虞慶則

先是桂州人李世賢反帝遣虞慶則討之

時諸將數人請行帝

顧慶則曰位居宰相爵乃上公國家有賊逆無行意何也慶則恐懼請行

慶則以婦弟趙

什住為長史什住通于慶則愛妾恐事泄乃宣言慶

則不欲行帝聞之禮賜甚薄及慶則平桂州還至臨

桂嶺

在潭州今湖南長沙府是

曰此誠險固加以足糧若得其人

攻不可拔什任入奏事因告慶則謀反按驗坐死拜

什任為柱國

時宜陽公王世積為涼州總管其親信皇甫孝諧有罪吏捕之亡抵世積不納

孝諧因上變告世積舊令道人相其面有惡言世積坐誅以孝諧為上大將軍

吐谷渾弒其可汗世伏

孝子

先是吐谷渾夸呂可汗死子世伏立遣獻方物帝以

光化公主妻之至是國內大亂國人殺世伏立其弟

伏允為主遣使陳謝且請依俗尚主從之自是朝貢

歲至

戊午十八年春二月高麗寇遼西遣漢王諒將兵討之

劉友

蓋曰隋伐

高麗始此

先是高麗王陽卒

陽位宮之後開皇初封高麗王及聞陳亡大懼治兵積穀為拒守之

計帝賜璽書責之會病卒位宮事具前

子元嗣帝使拜為遼東王至是

元帥靺鞨

而古爾慎氏地注見前

萬餘人寇遼西營州

注見前總

管韋冲

字世冲沈之弟

擊走之帝聞而大怒以漢王諒將水



陸三十萬伐高麗以高顯為諒長史

己而諒軍出臨  
渝關恒水潦饑

運不繼軍中饑疫元亦遣使謝罪于是罷兵

臨渝關即今山海關在永平府臨渝縣

夏五月禁畜猫鬼蠱毒厭魅野道者

獨孤后之弟延州

西魏置今陝  
西延安府是

刺史阼有婢事猫鬼

能使殺人會后與楊素妻鄭氏俱有疾醫皆曰猫鬼

疾也上意阼所為令高顯等雜治之具得其實詔阼

夫婦皆賜死后為之請曰阼若蠱政害民者妾不敢

言今為妾身敢請其命阼弟整亦詣闕求哀于是免

陔死詔自今有犯者投四裔

己未十九年春二月遣楊素等分道伐突厥都藍可汗未  
至都藍擊突利可汗敗之夏四月突利來奔諸軍遂破  
都藍及達頭部

先是突厥都藍可汗聞突利可汗尚主賜賚優厚怒  
曰我大可汗也反不如染干乎于是朝貢遂絕亟掠  
邊鄙突利伺知輒遣奏聞至是突利奏都藍欲攻大

同城

在今吳喇威旂政天德軍城西南唐書地理  
志天德軍乾元後徙屯永濟柵故大同城也詔

以漢王諒為元帥高頴出朔州道楊素出靈州道燕

榮

字貴公  
華陰人

出幽州道以擊都藍皆取諒節度然諒竟

不行都藍聞之與達頭可汗結盟合兵掩襲突利大

敗之突利部落散亡夜與長孫晟以五騎南走比旦

收得數百騎與其下謀奔玷厥晟知之密遣使者入

伏遠鎮

在今大同  
府西北

令速舉烽

突利見四烽俱發以問  
晟紹之曰隋法賊少舉

二烽來多舉三烽大通舉  
四烽彼見賊多而近耳

突利大懼投城晟留其達

官執室領其衆自將突利馳驛入朝四月至長安帝

大喜厚待之以歲為左勳衛驃騎將軍持節護突厥

高顯使相國趙仲卿

洛陽人剛之子

將兵三千為前鋒與突

厥

都藍兵

戰大破之突厥復大舉而至仲卿為方陳四

面拒戰凡五日會高顯大兵至合擊之突厥敗走追

奔七百餘里而還楊素軍與達頭遇先是諸軍與突

厥戰慮其騎兵奔突皆以戎車步騎相參設鹿角為

方陳騎在其內素曰此自固之道未足以取勝也于

是更為騎陳達頭喜曰天賜我也下馬仰天而拜帥

騎兵十萬直前周羅暉曰賊陳未整請擊之先帥精  
騎逆戰素以大兵繼之突厥大敗殺傷不可勝計

秋八月除左僕射高潁名

獨孤后性妬忌後宮莫敢進御尉遲迴女孫沒宮中  
得幸后陰殺之帝大怒單騎入山谷間二十餘里高  
潁楊素等追及扣馬苦諫帝告之故潁曰陛下豈以  
一婦人而輕天下帝意解還宮后流涕拜謝潁素等  
和解之因置酒極歡先是后以潁父客甚親禮之至

是聞頰謂已為一婦人遂銜之時太子勇失愛帝潛

有廢立之志從容謂頰曰有神告晉王妃言王必有

天下若之何頰曰長幼有序其可廢乎后知頰不可

奪陰欲去之會帝令選東宮衛士入上臺頰奏曰若  
盡取彊者恐東宮宿衛太劣帝作色曰

太子左右何須壯士我熟見前代公不須仍踵舊風頰  
子表仁娶太子女故帝以此言防之頰夫人辛后請

為之娶帝告之頰謝曰臣今已老退朝惟齋居讀佛  
經而已納室非所願也帝乃止既而愛妾生男帝聞

之喜后不悅曰陛下尚復信高頰邪始陛下欲為頰  
娶而頰心存愛妾而欺陛下今其詐已見矣帝由是

疎頰伐適之後帝以漢王諱年少專委軍事于頰諒  
所言多不用甚銜之及還泣言于后曰兒幸免為高

頌所殺帝聞  
之彌不平

及王世積誅推覈之際有宮禁中事云

于頌得之有司奏頌與世積交通賀若弼宇文弼

字公

輔洛陽人  
弼古弼字

薛胄斛律孝卿

太安人

柳述

字業隆解  
人機之子

等明

頌無罪上愈怒皆以屬吏自是朝臣莫敢言頌遂坐

免以齊公就第頌之頌國令

隋制王公國  
皆有令尉

言頌子表

仁謂頌曰司馬仲達託疾不朝遂有天下公今遇此  
焉知非福于是帝大怒囚頌鞠之有司請斬之帝曰  
去年殺虞慶則今茲斬王世積如更誅頌天下其謂

我何于是除為民

頤初為僕射其母誅之曰汝富貴已極但有一所頤耳爾其慎之頤

由是常恐禍變至是歡然無恨色先是國子祭酒元善言于帝曰楊素蒼疎蘇威怯懦可付社稷唯高頤耳帝初然之及頤得罪帝深責之善憂懼而卒元善魏侍中义之孫

九月以牛弘為吏部尚書

弘遷舉先德行而後文才務在審慎雖致停緩而所

進用多稱職侍郎高孝基

名構以字行渤海人

鑑賞機悟清慎

絕倫然爽俊有餘迹似輕薄時宰多以此疑之弘獨推心任委隋之選舉得人于斯為最



冬十月以突厥利為啓民可汗妻以義成公主處之朔州

突厥歸啓民者男女萬餘帝命長孫晟于朔州築大

利城在今歸化城西以處之時安義公主已卒復以宗女義

成公主妻之晟奏請徙五原注見前以河為固于夏勝

之間夏州魏置故城在今榆林府懷遠縣勝州隋置故城在今鄂爾多斯左翼後旗東西至

河南北四百里掘為橫塹令處其內使得畜牧帝徙

之又令趙仲卿屯兵二萬為啓民防遠頭十二月帝遣楊素史

萬歲等分道擊都藍未出塞都藍為其下所殺連頭自立為步迦可汗其國大亂長孫晟請遣梁千部下分道招慰帝從之降者甚眾明年四月步迦犯塞詔晉王廣等擊之史萬歲出塞與虜遇虜問將為誰候騎報曰史萬歲也步迦懼而引去萬歲馳追大破之逐北入磧數百里而還

庚申二十年春二月賀若弼坐事下獄赦出之

弼復坐事下獄帝數之曰公有三太猛嫉妬心太猛自是非人心太猛無上心太猛既而釋之

冬十月廢太子勇為庶人

初帝使太子勇參決政事時有損益帝皆納之勇性

廣寵竊之連播  
師希龍隋文不  
覺墮其術中而  
獨孤之愛廣惡

寬厚率意無矯飾帝素節儉而勇服用侈靡嘗飾蜀  
鎧帝見而不悅戒之曰自古帝王未有好奢侈而能  
久長者汝當以儉約為先乃能奉承宗廟後遇冬至  
百官皆詣勇勇張樂受賀帝不悅下詔停之自是恩  
寵始衰勇多內寵昭訓雲氏尤幸其妃元氏無寵遇  
疾而薨獨孤后意其有他深以責勇然昭訓自是遂  
專內政生長寧王儼及平原王裕安成王筠諸姬子  
又數人后彌不平遣人伺求勇過晉王廣知之彌自

勇則以勇寵昭

而多男廣使

後庭不育子隱

中其妬嫉陰刻

之心遂使儲位

中移國祚不享

隋之天下亡於

廣而實亡於獨

孤然隋文受制

婦人綱常不振

殆亦自亡而已

耳

矯飾

後庭有子者皆不育后由是數稱廣賢大臣用

廣必與蕭妃厚禮之往來者無不稱其仁孝帝與后

常幸其第廣悉屏匿美姬于別室唯留老醜者衣以

縵綠給事左右屏帳改用縹素故絕

樂器之絃不令拂去塵埃帝見之喜由是帝與后愛

廣特異諸子廣自揚州入朝將還入宮辭后伏地流

涕曰臣性識愚下不知何罪失愛東宮恒畜盛怒欲

加鴆毒后忿然曰覘地伐漸不可耐我為之娶元氏

女竟不以夫婦禮待之專寵阿雲使有如許豚犬前

新婦遇毒而夭我亦不能窮治何故復于汝發如此

意我在尚爾我死後當魚肉汝乎每思東宮竟無正

嫡至尊千秋萬歲之後遣汝等兄弟向阿雲兒前再

拜問訊此是幾許苦痛邪廣又拜嗚咽不能止后亦

悲不自勝自是后決意欲廢勇立廣矣廣問計于安

州總管宇文述述曰廢立大事未易謀也能移主上

意者唯楊素耳素所與謀者唯其弟約字惠伯述雅知

約請朝京師與圖之廣大悅多齎金寶資述入關約

時為大理少卿述請約與飲博陽不勝以所齎金寶

盡輸之因說之曰此晉王之賜令述與公為歡樂耳

約驚問故述因道廣意

且說之曰公兄弟當塗用事有年矣朝臣為足下家所屈

辱者可勝數哉又儲后以所欲不行每切齒于執政主上一旦棄羣臣公亦何以取庇哉今太子失愛于皇后主上素有廢黜之心請立晉王在賢兄之口耳誠能因此時建大功王心永銘骨髓斯則去累卵之危成泰山之安矣約然之約遂白素素聞之大喜後數日入侍宴

微稱晉王孝悌恭儉有類至尊后泣曰公言是也阿

廢

廣小字

大孝愛親地伐常欲潛殺之素因盛言太子

不才后遂遣素金使贊帝廢立帝使素觀勇所為素

至東宮還言勇怨望恐有他變帝益疑之后又遣人伺覘東宮纖芥事皆聞奏因加誣飾以成其罪廣又令段達

武威姑臧人

私賂東宮幸臣姬威令伺太子動靜

密告楊素于是內外誼謗過失日聞段達因脇威告之九月詔執左庶子唐令則等數人付所司訊鞠命楊素陳東宮事狀以告近臣左衛大將軍元旻諫曰廢立大事詔旨若行後悔無及讒言罔極唯陛下察之帝不應命姬威悉陳太子罪惡威對曰嘗令師姥

卜吉凶語云至尊忌在十八年此期促矣帝泣然曰  
誰非父母生乃至于此于是禁勇及諸子黨與楊素  
鍛鍊以成其獄居數日有司奏元昊嘗曲事勇在仁  
壽宮勇以書與之題云勿令人見帝乃執是十月帝  
戎服陳兵御武德殿集百官諸親引勇及諸子列于  
殿前宣詔廢勇及其男女並為庶人勇再拜泣下舞  
蹈而去左右莫不閔默遂詔元昊唐令則鄒文騰等  
誅戮有差移勇于內史省賞楊素物三千段

初勇嘗  
宴宮廷



唐令則自彈琵琶歌賦媚娘洗馬季綱起白勇曰令則身為宮御職當調護乃于廣坐自比倡優進淫聲穢視聽事若上聞豈不為殿下之累邪臣請速治其罪勇曰我欲樂耳君勿多事綱趣起至是帝召東宮官屬切責之皆惶懼無敢對者綱獨曰廢立大事今文武大臣皆知其不可而莫敢發言臣何敢畏死不一為陛下別白言之乎太子性本中人可與為善曷使陛下擇正人輔之足以嗣守鴻基今乃以唐令則為左庶子鄒文騰為冢令二人惟知以弦歌鷹犬娛悅太子安得不至于是邪此乃陛下之過非太子之罪也因伏地流涕嗚咽帝慘然良久曰季綱責我非為無理然我擇汝為宮臣而勇不親任雖更得正人何益哉對曰臣之所以不被親任者良由姦臣在側故也陛下但斬令則文騰更選賢才以輔太子安知臣之終見疎棄也自古國家廢立冢嫡鮮不傾危願陛下深留聖意無貽後悔帝不悅罷朝左右皆為

之股懷會尚書右丞缺有司請人  
帝指綱曰此佳右丞也即用之

### 殺太平公史萬歲

萬歲伐突厥還楊素忌之奏寢其功會廢太子萬歲  
方與將士在朝堂稱寃帝問萬歲何在素曰謁東宮  
矣帝以為然召之既見帝言將士有功為朝廷所抑  
詞氣憤厲帝大怒令左右擗弼角反擊也殺之既而追之  
不及天下共寃惜之

十一月立晉王廣為皇太子天下地震

廣請降章服官官不稱臣許之以宇文述為左衛率

郭衍

字彥文不原介休人

為左監門率亦豫奪宗之謀也帝囚

故太子勇于東宮付廣掌之勇頻請見上申寬廣渴

之不得聞

初帝之克陳也天下皆以為將太平監察御史房彥謙私謂所親曰主上忌刻而苛

酷太子卑弱諸王擅權天下雖安方憂危亂其子元齡亦密言于彥謙曰主上本無功德以詐取天下諸子皆驕奢不仁必自相誅夷今雖承平其亡可翹足待高孝基名知人見元齡歎曰僕聞人多矣未見如此即者異日必為俾器恨不見其大成耳見杜杲之兄孫如晦謂曰君有應變之才必任棟梁之重俱以子孫託之房彥謙字季冲清河繹幕人元齡名尚以字行杜杲字子暉杜陵人如晦字克明

禁毀佛天尊及神像

帝晚年深信佛道鬼神故有是詔

徵同州刺史蔡王智積

帝弟整之子

入朝

智積性修謹門無私謁自奉簡素帝甚憐之智積有五男止教讀論語孝經不令交通賓客或問其故智積曰卿非知我者其意恐諸子有才能以致禍也

以王伽

河間章武人

為雍

漢縣唐改鳳翔今為陝西鳳翔府治

令

齊州行參軍王伽送流囚李參等七十餘人詣京師

流囚本皆罪人獲卒亦奉公運土伽矯情于翠逆為唐時縱囚

者所濫觴歐陽  
修著論惜未推  
本及此

行至滎陽謂曰卿輩自犯國刑身嬰縲紲固其職也

重勞援卒

沿途護送之卒

豈不愧心參等辭謝伽乃悉脫其

枷鎖停援卒與約曰某日當至京師如致前却

謂或前或

却不如期至

吾當為汝受死遂捨之而去流人感悅如期

而至一無離叛帝聞而驚異召見與語稱善久之于  
是悉召流人宴而赦之因下詔曰使官盡如王伽民皆  
李參刑晉其何遠哉乃擢伽為雍令

辛酉仁壽元年春正月改元

南陸北陸日道  
自有常行而景

即隨之以好言

機祥而貢諛荒

怪若此與再中

却行何異工役

加課其兵更不

待言

先是太史令袁充

字德符君  
正之子

表稱陵興以後晝日漸

長蓋日去極近則景短而日長去極遠則景長而日

短行內道則去極近行外道則去極遠開皇元年冬

至之景長一丈二尺七寸二分自爾漸短至十七年

短于舊三寸七分謹按京房別對曰太平日行上道

升平行次道霸代行下道伏惟大隋啟運景短日長

振古希有上臨朝謂百官曰日長之慶天之祐也今

當改元宜取此意以為號仍命百工作役並加程課

丁匠苦之

二月乙卯朔日食

夏六月遣十六使巡省風俗

廢太學及州縣學改國子為太學

詔以學校生徒多而不精唯簡留國子學生七十人

太學四門及州縣學並廢劉炫

字光國河間景城人

上表切諫

不聽尋改國子為太學

冬十一月祀南郊

初帝受周禪恐民心未服故多稱符瑞以耀之其偽

造而獻者不可勝計

歌騎侍郎王卽上表言上受命符瑞甚衆又探歌謠識緯摭

佛書曲加誣飾撰皇隋靈感志三十卷奏之上令宣示天下賞賜優洽王卽字君懋太原晉陽人

是郊祀板文備述以報謝云

以馮盎為漢陽

本城州大業初改郡唐仍為州今階州成縣是考漢陽郡置于大業此云漢

陽者史臣追叙之文太守

潮成

潮州隋改陳瀛州置今為府屬廣東成州梁置隋後改封州今肇慶府封川縣是

等五

州獠反高州酋長馮盎馳詣京師請討之帝敕楊素



與盜論賊形勢素歎曰不意蠻夷中有如是人即遣  
盜發江嶺兵擊之事平除盜漢陽太守

壬戌二年春三月突厥入寇楊素擊破走之

突厥思力俟斤

思力人名俟斤突厥大臣之稱俟渠之反

等南渡河大掠

啓民人畜而去行軍元帥楊素帥諸軍追擊轉戰六十餘里大破之悉得人畜以歸啓民自是突厥遠遁  
碯南無復寇抄

秋八月皇后獨孤氏崩

后崩太子對帝及宮人哀慟絕氣若不勝喪者其處  
私室飲食言笑如平常又每朝令進二溢米而私取  
肥肉脯鮓置竹筩中以蠟閉口衣襍裹而納之

冬閏十月詔修定五禮

詔楊素蘇威與牛弘等修之

葬獻皇后

徐昭文考證獻上漏文字考隋書高祖紀仁壽二年冬閏月葬獻皇后于泰陵並無文字

蓋文為高祖之謚煬帝即位後始以后從高祖謚稱曰文獻猶後漢之稱光烈明德諸后是也葬時高祖現存安得即以其謚加之綱目一本隋書並非有漏考證自誤

爾吉既習擇地  
之術乃聽逆子  
之言謀害君父  
非亂臣賊子而  
何東史筆者所  
當深惡而痛絕  
之禍田為稱述  
且若艷其前知  
者然可謂好奇  
而不衷於理矣

帝令上儀同三司蕭吉

字文休梁長沙王懿之孫

為皇后擇葬地

得吉處云卜年三千卜世二百帝曰吉凶由人不在

于地然竟從吉言

吉退告人曰皇太子遣字文左率深謝余云公前稱我當為太子竟

有其驗今卜山陵令我早立當以富貴相報吾語之日後四載太子御天下然太子得政隋必亡矣吾前紹云三千者三十也二

百者二傳也汝其識之  
十二月廢蜀王秀為庶人除治書侍御史柳彧名配懷

遠鎮

唐書地理志營州有懷遠鎮營州治柳城注見前

先是詔徵益州總管蜀王秀還京師

秀容貌瓌瑑博有膽氣好武藝在

益州頓舍僧問晉王廣為太子意甚不平太子恐  
其為後患陰令楊素求其罪而譖之帝遂徵秀還及

是秀至帝不與語使使切讓之秀謝罪帝曰頃者秦  
王糜費財物我以父道訓之今秀蠹害生民當以君  
道繩之于是付執法者開府慶整

慶氏齊大夫慶父  
之後以字為氏

諫曰庶人勇既廢秦王已薨陛下見子無多何至如  
是蜀王性甚耿介今被重責恐不自全帝大怒欲斷  
其舌因謂羣臣曰當斬秀于市以謝百姓乃命楊素  
等推治之

太子陰作倘人縛手釘心枷鎖扭械書帝  
及漢王姓名密埋之華山下楊素發之又

云秀妄述圖讖并作檄文置秀集中以間帝曰天下寧有是邪乃廢秀為庶人幽之

內侍省秀嘗從治書侍御史柳或求李文博所撰治

道集

文博博陵人好學能文著治道集十卷行于世

或與之秀遣或奴婢十

口及秀得罪楊素以夙憾

素嘗以小譴送臺命或治之或據素坐立素于庭辯

詰事狀素由是銜之奏或以內臣交通諸侯除名為民配戍懷

遠鎮

久之貝州長史裴蕭遣使上書曰高頴以天挺良才元勳佐命為眾所疾以至廢棄願陛下錄

其大功忘其小過又二庶人得罪已久寧無革心願陛下弘君父之慈顧天性之義各封小國觀其所為若能遷善漸更增益如或不悛貶削非晚書奏帝謂楊素曰裴蕭憂我家事此亦至誠也于是徵蕭入朝

太子聞之謂左庶子張衡曰使勇自新欲何為也衡曰觀肅之意欲令如吳太伯漢東海王耳肅至帝面諭而罷之貝州後周置今廣平府清河縣是裴肅字神封侯之子張衡字建平河內人

詔楊素三五日一入省論大事

楊素既廢太子及蜀王威權愈盛

兄弟諸父並為尚書列卿諸子位至

柱國刺史廣營資產家僮數千妓妾亦數千第宅華侈制擬宮禁

違忤者誅夷附會

者進擢朝廷靡然莫不畏附大理卿梁毗

字景和安定烏氏人

上封事曰臣聞臣無有作威作福其害于而家凶于

而國今楊素幸遇

謂寵幸如遇

愈重權勢日隆所私皆非

忠讜所進咸是親戚子弟布列蕪州連縣天下無事  
容息異圖四海有虞必為禍始陛下若以素為阿衡  
臣恐其心未必伊尹也伏願揆鑒古今量為處置俾  
鴻基永固率土幸甚書奏帝大怒收毗繫獄親詰之  
毗極言素擅寵弄權殺戮無道又太子及蜀王罪廢  
之日百僚無不震怖惟楊素揚眉奮肘喜見容色利  
國家有事以為身幸帝乃釋之其後帝亦寢踈忌素  
乃下敕曰僕射國之宰輔不可躬親細務三五日一

向省評論大事外示優崇實奪之權也素由是不復

省事出楊約為伊州隋置今河南府嵩縣是刺史于是吏部尚

書柳述遂益用事參掌機密素深惡之

亥癸  
三年秋龍門王通字仲淹河東龍門人獻策不報

通詣闕獻太平十二策帝不能用罷歸通遂教授于

河汾之間弟子自遠至者甚眾累徵不起楊素甚重

之勸之仕通曰通有先人敝廬足以庇風雨薄田

足以供餐粥讀書談道足以自樂願明公正身以治



天下使時和年豐通也受賜多矣不顧仕也或譖通  
于素曰彼實慢公公何敬焉素以問通通曰使公可  
慢則僕得矣不可慢則僕失矣得失在僕公何預焉  
素待之如初弟子賈瓊問息諂通曰無辨問止怨曰  
不爭通嘗稱無赦之國其刑必平重斂之國其財必  
削又曰聞諂而怒者讒之因也五文反也見譽而喜者  
佞之媒也絕因去媒讒佞遠矣大業末卒于家門人

謚曰文中子

考隋書王通無傳其行事畧見于唐書  
王績王勃傳績通之弟勃通之孫也通

鑑所載多採于中說文中子世家然據中說唐初魏徵杜淹皆通弟子隋書為徵奉敕所撰何竟不為通立傳或曰王績嘗持杜淹所撰文中子世家授陳叔達欲上文館時長孫無忌不悅學叔達弟叔恬嘗糾無忌淹又與無忌有隙故其書遂不得上宋龍川陳氏又曰房魏諸公雖嘗往來河汾而師友之義實未成且智又不足以盡知其道故當時朝論有所不及說或然歟並錄之以備考

### 突厥啟民可汗歸國

突厥步迦可汗所部大亂鐵勒僕骨

鐵勒別部在獨洛河北

等

十餘部皆叛降于啟民步迦西奔吐谷渾長孫晟送啟民置磧口啟民于是盡有步迦之衆

甲子四年春正月帝如仁壽宮

秋七月太子廣弒帝于大寶殿

在仁壽宮

而自立遂殺故太

子勇流尚書柳述侍郎元巖于嶺南

四月帝不豫七月疾甚僕射楊素兵部尚書柳述黃

門侍郎元巖

秀隋書元巖傳巖為蜀王秀長史間皇十三年卒此侍疾者或又是一元巖

皆入閣侍疾召太子入居殿中太子慮帝有不諱須

預防擬手自為書封出問素素條錄事狀以報宮人

悞送帝所帝覽而大恚帝所寵宣華陳夫人

陳高宗女旦

出更衣為太子所逼拒之得免工怪其神色有異問  
故夫人泣然曰太子無禮上恚抵牀曰畜生何足付

大事獨孤誤我邪呼柳述元巖曰召我兒述等將呼  
太子上曰勇也述巖出閣為敕書素問以白太子矯

詔執述巖繫獄追東宮兵帖上臺宿衛門禁出入並  
取宇文述郭衍節度令右庶子張衡入殿侍疾盡遣

後宮出就別室俄而上崩

陳夫人聞變戰慄失色瞞  
後太子封小金盒遣使者

賜夫人夫人以為鴆毒懼甚發之乃同心結也夫人  
恚而卻坐不肯致謝諸宮人共逼之乃拜使者其夜

太子燕馬明日發喪即位會揚約自伊州來朝太子遣約

入長安矯稱高祖之詔賜故太子勇死縊殺之然後  
陳兵集衆發凶問追封勇為房陵王不為置嗣除述

巖名徙之嶺南

令蘭陵公主與述離絕欲改嫁之公主以死自誓表請與述同徙帝大怒

公主憂憤而卒

貶許善心為給事中

袁充奏皇帝即位與堯受命年合諷百官表賀禮部  
侍郎許善心以為國哀甫爾不宜稱賀宇文述素惡

善心諷御史劾之左遷降品二等

并州總管漢王諒起兵晉陽遣楊素擊虜以歸殺之

諒有寵于高祖為并州總管自以所居天下精兵處見太子勇蜀王秀得罪常不自安乃言于高祖以突厥

方彊宜修武備于是繕治器械招集私人殆將萬數

諮議參軍王頊

苦委反

者僧辯之子倜儻好奇畧與蕭

摩訶俱不得志每鬱鬱思亂皆為諒所親善及高祖崩帝即位以高祖璽書徵之先是高祖與諒密約若

璽書召汝敕字傍別加一點又與玉麟符

刻玉為符作麟形并揚蓋

三總管用後惟東西兩都留守用之

合則就徵及發書無驗諒知有變

遂發兵晉陽唱言楊素反將誅之遣諸將分道四出

余公理出太谷慕良出澄口劉建出并陘喬鍾葵出雁門太谷隋縣今屬山西太原府

署兵曹

裴文安為柱國與紇單貴

紇姓卓貴名

王暉等直指京師

諒簡精銳數百騎戴罽

莫秋反

離

通作羅即帷帽婦人著之以蔽面及身後

其製漸短名曰蓋頭

詐稱宮人還長安徑入蒲州城中豪傑頗

有應之者文安等未至蒲津百餘里諒忽改圖令紇

單貴斷河橋守蒲州而召文安還帝以楊素為并州

道行軍總管河北安撫大使帥眾討諒

素先以五千騎襲蒲州統

單貴敗走王暕以城降秦良攻黎州塞白馬津余公

理自太行下河內帝以史祥為行軍總管軍河陰公

理逆戰祥擊敗之進趣黎陽良軍不戰而潰喬鍾葵

攻代州總管季景拒守月餘帝遣朔州刺史楊義臣

救之鍾葵悉眾以拒義臣擊破之黎州後周置治

黎陽今衛輝府濬縣是史祥字世寧子季景字道興

天水休官人楊義臣代人本姓尉遲父崇諒遣其將

與突厥戰死高祖以其誠節賜姓楊氏

趙子開擁眾十萬屯據高壁

嶺名在平陽府靈石縣東南上有韓信墓亦名

韓信

布陳五十里素令諸將以兵臨之自引奇兵潛

嶺



入霍山

在平陽府霍州東南  
即古太岳今為中鎮

緣崖谷而進馳出北軍

之北直指其營鳴鼓縱火北軍不知所為自相蹂踐  
殺傷數萬諒聞之大懼自將兵十萬拒素會大雨欲  
引還王頊諫曰楊素懸軍深入士馬疲斃王以銳卒  
自將擊之其勢必克今乃望敵而退是阻戰士之心  
而益西軍之氣也願王勿還諒不從頊謂其子曰氣  
候不佳兵必敗矣楊素進擊諒大破之擒蕭摩訶諒  
退保晉陽素進兵圍之諒窮蹙請降頊自殺羣臣奏

諒當死帝不許除名為民竟以幽死所部吏民坐死

徙者二十餘萬家

初高祖與獨孤后甚相愛重誓無異生之子嘗為羣臣曰前代天子

溺于嬖幸嫡庶分爭或至亡國朕旁無姬侍五子同母可謂真兄弟也豈有此憂邪又懲周室諸王微弱

故使諸子分據大鎮及其晚節

迭相猜忌五子皆不以壽終

冬十月葬泰陵

在乾州武功縣西南

史臣曰高祖以外戚之尊受託孤之任秉茲機運遂遷周鼎樓船南邁則金陵失險驃騎北指則單于款塞于是躬節儉平徭賦倉廩實法令行開皇二十年間天下晏如也然無寬仁之度有刻薄之資暨乎暮年此風愈熾又雅好符瑞暗于大道聽妬婦之言惑邪臣之說溺寵廢嫡付託失所滅父子之道開兄弟

之隙縱其尋斧翦伐本根  
墳工未乾子孫為戮惜哉

# 十一月帝如洛陽

## 章仇太翼

章仇本章氏因避仇遂加仇為章仇氏太翼字協昭河間人後賜姓盧氏

言于

## 帝曰陛下木命

通鑑作酉命考隋書煬帝紀開皇元年立為晉王時年十三是年歲在辛

丑是則煬帝乃己丑生非酉命也通鑑有誤但己丑亦非木命太翼不載其事未知綱目何據

雍州

## 為破木之衝

雍州酉位  
政曰破木

不可久居又讖云修治洛陽

還晉家帝以為然遂幸洛陽留晉王昭守長安

## 塹龍門

注見前

## 達上洛

注亦見前

## 以置關防

發丁男數十萬掘塹自龍門東接長安

注見前

汲郡

置

唐改衛州今河

抵臨清關

在衛輝新鄉縣東北今曰臨清鎮

度河至

南衛輝府是

浚儀

漢縣故城在今開封祥符縣

襄城

注見前

達于上洛以置關防

陳叔寶卒

贈長城公諡曰煬

以洛陽為東京

大業五年又改東京為東都

煬帝

乙丑大業元年春正月立皇后蕭氏

廢諸州總管府

立晉王昭為皇太子

二月以楊素為尚書令

詔有司大陳金寶器物錦彩車馬引楊素及諸將討并州有功者立于前使奇章公牛弘宣詔賜賚有差以素為尚書令

詔天下公除

謂已成服除之以從公事

惟帝服淺色黃衫鐵裝帶

三月命楊素營東京宮室

詔楊素營東京役丁二百萬人徙洛州郭內居民及

諸州富商大賈數萬戶以實之敕將作大匠宇文愷

與內史舍人封德彝等營顯仁宮

今在河南府宜陽縣西南北跨洛濱南接

皂澗發江嶺之間竒材異石輸之洛陽又求海內嘉木

異草珍禽竒獸以實苑囿

開通濟渠

即蕩蕩渠注見前

引汴水

蕩蕩渠南出為汴水今故道已為黃河所奪

開

邗溝

注亦見前

置離宮造龍舟

詔曰古者聽採輿頌謀及庶民故能審刑政之得失

今將巡歷淮海觀省風俗遂命尚書右丞皇甫議

丁百萬開通濟渠自西苑引穀水達于河復自板渚

在開封府汜水縣東北水經注河水逕板城北有津謂之板城渚口引河入汴引汴入

泗以達于淮又發民十萬開邗溝入江溝廣四十步

傍築御道樹以柳自長安至江都置離宮四十餘所

遣黃門侍郎王弘等往江南造龍舟及雜船數萬艘

官吏督役嚴急役丁死者什四五

夏四月劉方

京兆長安人

大破林邑

注見前

還卒于師

先是羣臣有言林邑多珍寶者乃令劉方為驩州

漢九

真郡隋置驩州今為安南國地寰宇記州南至環王國十日程環王即林邑也

道行軍總管

經畧林邑至是方出海口林邑王梵志遣兵守險方

擊走之師度闍黎江

在占城國北唐時林邑改號林環王後彼國于占更號占城

邑兵乘巨象四面而至方戰不利乃多掘小坑草覆

其上與戰偽北林邑逐之象多顛躓以弩射之象却

走蹂其陳因以銳師繼之林邑大敗引兵追之過馬

援銅柱

南越志日南即西有屠夷國馬援至其地立二銅柱以表漢界

南八日至其



國梵志走入海方八城獲其廟主十八皆鑄金為之  
刻石紀功而還士卒腫足死者什四五方亦得疾卒  
于道

五月築西苑

在洛陽縣西  
亦名芳華苑

苑周二百里其內為海周十餘里為方丈蓬萊瀛洲  
諸山高百餘尺臺觀宮殿羅絡山上海北有渠縈注  
海內緣渠作十六院門皆臨渠每院以四品夫人主  
之窮極華麗宮樹凋落剪綵為花葉綴之沼內亦剪

綵為荷芰菱芡色渝則易以新者十六院競以教羞  
精麗相高求市恩寵上好以月夜從宮女數千騎遊  
西苑作清夜遊曲于馬上奏之

秋七月廢滕王綸

字斌籀  
瓚之子

衛王集

字文會  
爽之子

徙之邊郡

綸集俱于開皇中嗣爵綸以父瓚故

瓚被配  
事見前

每不自

安及帝即位與集時呼術者問吉凶及章醮求福或  
告其怨望呪詛除名徙邊

八月帝如江都

上幸江都龍舟四重高四十五尺長二百尺上重有

正殿內殿朝堂中二重有百二十房皆飾以金玉下

重內侍處之皇后乘翔螭舟制度差小別有浮景九

艘三重皆水殿也餘數千艘

有漾綵朱鳥倉螭白虎元武飛羽青鳧凌波五

樓道壇元壇板繪黃葭等名

後宮諸王公主百官僧尼道士蕃客

乘之共用挽士八萬餘人

具漾綵以上九千餘人謂之殿脚

皆以錦

綵為袍衛兵所乘又數千艘

有平乘青龍鱗艘

由艦

相接二百餘里騎兵翊岸而行所過州縣五百里內

皆令獻食多者一州至百舉極水陸珍奇後宮厭餼  
將發棄埋之

契丹寇營州遣謁者

隋書百官志大業初改內史省通事舍人為謁者

韋雲起

京兆萬年人

以突厥兵討平之

契丹寇營州詔通事謁者韋雲起護突厥兵討之啟  
民可汗發騎二萬授其處分雲起分為二十營四道  
俱引營相去一里不得交雜聞鼓聲而行聞角聲而  
止自非公使勿得走馬三令五申擊鼓而發有紇干

突厥官名犯約斬以徇于是突厥將帥入謁皆膝行股栗

莫敢仰視契丹本事實突厥不相猜忌雲起既入其境使突厥詐云向柳城與高麗交易敢漏洩事實者斬契丹不為備去其營五里馳進襲之虜獲甚衆以女子及畜產之半賜突厥餘皆收之以歸帝大喜擢為治書侍御史

鐵勒叛西突厥自立為莫何可汗

初西突厥阿波可汗為莫何可汗處羅侯所虜

前事具

國人立鞅素特勒之子是為泥利可汗泥利卒子達  
漫立號處羅可汗處羅多居烏孫故地撫御失道國  
人多叛復為鐵勒所困

鐵勒匈奴遺種族類最多有  
僕骨同羅契苾薛延陀等部

其酋長皆號俟斤  
分屬東西兩突厥

是歲處羅引兵擊鐵勒諸部厚稅

其物又忌薛延陀集其酋長數百人盡殺之于是鐵  
勒皆叛立俟利發俟斤契丹歌楞為莫何可汗又立  
薛延陀俟斤字也吐為小可汗與處戰屢敗之莫何  
勇毅絕倫甚得衆心為鄰國所憚伊吾高昌焉耆皆

附之

丙寅二年春二月新作輿服儀衛

詔牛弘等議定輿服儀衛制度以何稠

字桂林  
安兄子

為太

府少卿使之營造送江都稠參會古今多所損益袞

冕畫日月星辰皮弁以漆紗為之大抵務為華盛以

稱上意課州縣送羽毛民求捕之殆無遺類烏程

注見

前有高樹踰百尺上有鶴巢民欲取之不可乃伐其

根鶴恐殺其子自拔髦毛投于地時人或稱以為瑞

夏四月還東京

二月上發江都四月自伊闕陳法駕備千乘萬騎入

東京御端門大赦制五品以上文官乘車在朝并服

佩玉武官馬加珂

螺屬生海中其色白用為勒飾

戴幘

中幘起于秦

服袴

褶

騎服也

文物之盛近世莫及也

秋七月制百官不得計考增級

制百官不得計考增級必有德行功能灼然顯著者

進擢之帝頗惜名位羣臣當進職者多令兼假而已



時牛弘為吏部尚書不得行其職蘇威字文述張  
瑾虞世基裴蘊陳尚書  
忌之子裴矩參掌選事而與奪之筆  
世基獨專之受納賄賂黜陟任意

太子昭卒

太子昭自長安來朝數月將還欲乞少留不許拜請  
無數昭體素肥因致疾薨帝哭之數聲而止尋奏聲  
伎無異平日也

楚公楊素死

越公楊素雖有大功特為帝所猜忌外示殊禮內情甚薄太史言隋分野有大喪乃徙素為楚公意楚與隋同分欲以厭之素寢疾不肯餌藥謂弟約曰我豈須更活邪

八月封孫佖為燕王侗為越王侑為代王  
皆元德太子昭之子也

冬十月置洛口回洛倉

置洛口倉于鞏東南原上城周二十餘里穿三千窖

置回洛倉于洛陽北七里城周十里穿三百窖窖皆容八千石

### 徵天下散樂

初齊高緯之世有魚龍山車等戲謂之散樂周宣帝時鄭譯奏徵之及高祖受禪牛弘定樂悉放遣之帝以啟民可汗將入朝欲以富樂誇之太常少卿裴蘊希旨奏括天下前世樂家子弟皆為樂戶其六品以下至庶人有善音樂者皆直太常帝從之于是四方


散樂大集東京課京北河南製其衣錦綵為空帝多  
製艷篇令樂正白明達造新聲播之音極哀怨

始建進士科

隋書北史俱無建立進士科之文唯唐書楊綰傳云進士起于隋大業中然亦不言

年月故通鑑不載綱目以設科之始特為增入但紀于太子昭卒之下楊素卒之前未知何據考煬帝紀大業二年七月甲戌太子薨乙亥楊素薨兩日相連恐其間無暇建科取士也今因改輯于是年之末

御批歷代通鑑輯覽卷四十七



總校官候補中<sub>臣</sub>王燕緒

校對官編修<sub>臣</sub>吳舒惟

謄錄監生<sub>臣</sub>龍奕述祖